



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Persunel

Zieva üna restructuraziun interna e per garantir la gestiun da la resgia tar ün'absenza dal rasgader existent, cu eir per pudair optimer l'utilisaziun da la resgia es gnida publisheda üna seguonda piazza scu rasgader. In tuot s'haun annunzchos 17 candidats sülla piazza chi'd es gnida publisheda illa pressa locala cu eir in quella specialiseda. Zieva l'evaluaziun da las qualificaziuns ho la suprastanza cumünela tschernieu unanimamaing a Clo Duri Engel scu nouv rasgader. Per la piazza vacanta scu stagiunel pel forestel vain ingascho Manuel Heinisch el ho cumanzo sia piazza ils 13 gün 2017.

Rendaquint 2016

Il rendaquint da la vschinauncha da S-chanf as preschainta seguintamaing:

Tar expensas totelas da fr. 10'495'042.65 ed entredgias da fr. 11'021'949.77 serra quel cun ün avauz da fr. 526'907.12. Büdschetto d'eira ün suravaunz d'expensas d'arduond fr. 78'935.00.

Il Cash Flow importa pel 2016 fr. 3'307'451.00.

GIS Engiadin'Ota

Cun que chi vain abolieu il circol d'Engiadin'Ota es gnida stipuleda üna nouva cunvegna da prestaziun traunter la societad d'indschegners GIS Engiadin'Ota e las vschinaunchas. La suprastanza cumünela decida unanimamaing da suottametter la cunvegna a la radunanza cumünela per l'approvaziun.

Vendita terrain tres personas chi vivan ill'ester

Tar la vschinauncha da S-chanf es entreda üna dumanda da cumprita d'üna chesa tres üna persona chi viva ill 'ester. L' inspectorat dal cudesch fundiari ho piglio pusiziun a la dumanda fatta tres la vschinauncha ed ho preschanto püssas variantas pussiblas. Ad es da manzuner cha fin co importa la quota per vendita d'immobiglias a personas chi vivan ill 'ester 0%. Per dumander che consequenzas ch'ün augmaint da tela quota ho do s'ho contacto püssas vschinaunchas. Siand cha quist es üna decisiun in competenza da la radunanza, decida la supranza da dumander a tela üna decisiun da princip per pudair der resposta in chosa proponind d'augmanter la quota sün 100%.

Dumanda cumprita da terrain

Ad es inoltreda la dumanda da cumprer 30m² terrain da la parcella nr. 36, a Somvih. Zieva animedas discussiuns e valütaziun da las variantas pussiblas es gnieu piglio sü contact culla persona in questiu. Siand cha quella insista sün la dumanda da cumprer terrain decida la supranza cun 4 cunter 1 vusch da suottametter la dumanda a la radunanza, proponind da na vender il terrain.

Annunzchas da fabrica

La supranza ho piglio cugnuschentscha da seguintas annunzchas da fabrica:

- Firma IN LAIN, nouva saiv, parcella nr. 700, Serlas
- Parli Linard, müder fnestras, parcella nr. 99, Bügl Suot.

Dumandas da fabrica

La supranza ho concess seguints permiss da fabrica:

- Fundaziun Chapella, müdamaints interns e fnestra da tet, parcella nr. 820, Chapella.
- Gabriel Arno & Tatjana, nouva stalla da muaglia sütte, parcella nr. 310, Salvus.
- Vschinauncha da S-chanf, sanaziun via da bike Funtauna - Kesch

Surdeda da lavuors

Lavuors d'infrastructura Chapella:

Lavuors d'indschegner:

- Büro d'indschegneria Liun Quadri, S-chanf (offertas tenor proceder d'invid)

S-chanf, 21.06.2017

La supranza cumünela